

# Munian uishamueu

UISHAMUANUN TSHETSHI AIMITUNANUT TSHETSHI  
UAUITAKANIKAU NE E NASHIPININIT KA INNIUIMUKUAT  
UASHKA E TAIK TSHEKUAN.

1. Ninan, tshishe-utshimauat, ka tshishe-utshimau-atusset kie ka uinakanit nete innit kie mak kakusseshit, auassat, nete katshishkutamatsheutshuapit, ne mamuitun ka tshishpeuatakau assinu, nipushukatanan ka tshi tapuetatshishutau mitshetuit e tshi uapataniuetau neme na ka maitunanut COP15 nete Munian nete Uepishtikuiat, ne ka utinak mashinaitshuapit ka nakutuenitak nen ka inniuimikuninit uashka tshekuan.

2. Nitshissiumuanan kie e nashipin ne ka inniuimikuat tshekuan nete uashka e tshitapatakan nete kutunnue-pupun utat. Ne IPBES issishueu, ne uet mishta-mishkutshipin tshishik<sup>u</sup> kie nete ka mishta-kashtauet: ne ishi itapashtakan mak e ishi-pakassiatshanut assi mak uinapekua, ka kussanut mak meshekut ka inniuimikuat tshekuan, e mishkutshipini tshishik<sup>u</sup>, ka uinakutan assi kie mak ka uinakamitan mak anitshenat ka mamashiuat uashishat kie mak uapukuna. Ne patetat ka uitakanikau nete utshipanu ne ua pakassiatshanut ekue tapitit kie pikunimuat assinu kie uinipekunnu.

3. Ni nishtutenan ne assi e pitshinitshishit tshetshi pakassunanut kie inniuat kie nenu e nashipin kushkukuuanu innu, nete mitshimit, tshetshi mininiu-inniuat innu kie nete iat eka mitshunishut miam mate innu-aitun. E nashipin ne assi, ne katusseutshitapatakan ka ut pimipan tshekuan apu ishpishimikuat kie takun nete assit eka kau tsh nitautshit kie mak metshipinu. Kie, innuat mak anitshenat ka tshitimaushitau kie uinuau mitenitamuat nenu e nashipininit assinu kie muk aiat mishanu ek<sup>u</sup> uinua nenu aiainamuat, takuaimatimuat kie e apitau anu tshishipinu e pikupanit mat kat nete upime.

4. Nipetenan e tapuatakuiat ne IPBES kie GIEC tshetshi utshipikitan ne tshetshi tshishestakanitaku, kie tapishkut itenitakuan ne nish e nashipin ne assi kie e mishkutshipin tshishik<sup>u</sup> kie e mishkutukanikau tshekuan. Nipissenitenan e mishkutukanikanikau nete ut e nashipin assi apu tshiku ishpan tshetshi kuetepenikan ne e nashipin assi. Ne mamuitun ute kassinu eshpitishkamikat ute assit katshi uemapin 2020 tepuateu nenu pakassun-mashinaitshuapit tshetshi tshunikau mka tshitapatakau tshe ishi atussetau tshetshi astinite pikunikau assinu miam mate ka nutishinet, tshe ishi nitautshitan mitshim<sup>u</sup>, kie tan tshe ishi itapishtakanikau kie tshe ishi-uepanikan ne ka uinakuat tshekuan. Ne mamuitun ute kassinu eshpitishkamikat tepuateu tshishe-utshimauat tshetshi ueueshitshitapatakau, kau tshetshi minutshitapatakau kie ueuetshishtatau kie mak nass tshetshi eka takut pakassun e tshitshishtimikuat assi. Ne mamuitun nikutshimikunan kassinu e itashiat tshetshi tetaut tshunikan ne e nanutakan kie, miam mate, ne eshpish apitshitan mitshim<sup>u</sup> mak atusseuakan

5. Nutinenanne kie katshi mamuitunanut ne COP15 ka tutakan nete Munian neme pishimuss 2022, mamuituna kie mitshet auenitshen nitshishkatupan tshetshi uauitakan ne e nashipin assi kie e mishkutshipin, tshetshi shenakan ne e aimitunnanut tshetshi mishkakan tan tshe tutakan tshetshi nikakan ne e ishimakuat.

6. Ni pukushuenitenan tshetshi eka ishi uapatakan nete eka nitautshitan ne e utinashinanut nete assit kie ne e mishta apitshishtakan tshekuan kie e pikunikuat nenu innu kie assi, tshetshi i sheshi-mishituepanitanikau ne pakassun ne e ishpishimikuat assi kie tshetshi ishpitenitakan, tshetshi mashikakan ne eka tapishkut e tutakan tshekuan tshetshi eka metshipitakan tshekuan, tshetshi ishi utinikan aimun e ishpenitakan assi, tshetshi minu-matinamatinanut tshe ishi pakassiuatshanut assi, kie tshetshi tshitimaunanitakan innu-utipanitamun tshetshi minekash kunuenitashunanut.

7. Nipishukatenan ne tshe aimitunanut tshetshi mishkuenitakan tan tshe ietunanut na e nashipin assi e utshepinanut, kie tshetshi minu-mamitunenitakan eshk eka neme kau tutakanCOP, tshishik<sup>u</sup> e tshitapatakan, tshetshi mishkutukanikan tshe ishi-pimutanut.

8. Nuishamanan kie kassinu ka takueitshet kie tshishe-utshimauaut kie ka uitshi-atussemant tshetshi shutshiteieshkakau nenu Munian e tepuatat tshetshi minu-tshitapatakau assinu.

